

HEBRITOWO FE AGBALĒ

Kpɔkpɔɔyideme: Womenya ame si tututue ɲɔ agbalĕ sia na Hebritowo o, gake le nu gedewo ta la, amewo bu be Pauloe ɲɔe. Nufiala aɔewo fia kristoto siwo menye Yudatowo o la be, ele be woalé Yudatowo fe konyinyiwo kple vɔsa wowɔna le gbedoxɔ me le Yerusalem la me ɔe asi sesie eye woade dzesi gbedoxɔ si le Yerusalem la fe vevinyenye le Yudatowo fe subsubɔ me. Ke agbalĕ sia ɲɔla to agbalĕ sia me fo nu tso nu si tututu xɔse nye la ɲuti eye wofia bena menye Yudatowo fe vɔsa kple konyinyi mawoe nye nu vevito o, ke boɲ vɔsa vavãto lae nye esi Yesu Kristo va wo le atitsoga ɲu. Eya ta woalé xɔse vavãto la me ɔe asi eye woaxɔ Yesu Kristo, ame si ku ɔe wo ta la, dzi ase yesiayi.

Emenyawo

1. Yesu Kristo, Dɔla si fo dɔla bubuwo katã ta, 1:1-2:18.
2. Yesu Kristo, Apostolo si fo apostolo bubuwo katã ta, 3:1-4:13.
3. Yesu Kristo, Nunɔlagã si fo nunɔlagã bubuwo katã ta 4:14-7:28.
4. Kristoe nye nubabla nyuito la, 8:1-9:28.
5. Kristoe nye vɔsa nyuito la, 10”1-39.
6. Xɔsee nye mɔ vavãto, 11:1-12:29.
7. Tafonyawo, 13:1-25.

Vi la kɔ wu mawudɔlawo

1 Le blema la Mawu fo nu na mia fofowo zi geɖe to mɔ vovovowo dzi to nyagblɔɖilawo dzi. 2 Ke le ŋkeke mlɔetɔ siawo me la efo nu na mí to Via si wòtia be wòanye domenyila la dzi, ame si dzi hã woto wɔ xexeame. 3 Vi la klēna kple Mawu fe ŋutikɔkɔe enye ame si ɖe Mawu fe nonome tututu fia eye wòna agbe nuwo katã to efe ŋusēnya la me. Esi wòklɔ nu vɔwo ɖa vɔ la, enɔ anyi ɖe Mawu fe nuɖusi me le dzifo. 4 Ale wòkɔ sãa wu mawudɔlawo abe ale si ŋkɔ si wòtsɔ nyi domee la kɔ wu wo to sãe ene.

5 Elabena mawudɔlawo dometɔ kae Mawu gblɔ na kpɔ be, “Wòe nye vinye; egbe mezu fofowò?” Alo wògagblɔ na ɖe be, “Manye fofoa eye eya hã anye vinye?” 6 Eye esi Mawu ɖo via ŋgɔgbea ɖe xexeame la, egblɔ be, “Ele be mawudɔlawo katã nasubɔe.” 7 Mawu fo nu tso efe ɖɔlawo ŋuti be, “Ewo efe ɖɔlawo abe yafofowo ene eye efe subɔlawo abe dzofeadewo ene.”

8 Ke egblɔ le via ya ŋuti be, “O, Mawu, wò fiazikpui anɔ anyi tegbetegbe eye dzɔdzɔnyenye anye wò fiaɖufe fe tsiamiti.

9 Èlɔ dzɔdzɔnyenye eye nɛlé fu ŋutasēsɛ eya ta Mawu, wò Mawu la, tsɔ wò ɖo tefe kɔkɔ wu nɔviwòwo katã to esia me be etsɔ dzidzɔ fe ami vevēe la si na wò.”

10 Egagblɔ be, “O Afetɔ, le gɔmedzedzea me la eɖo xexeame fe gɔmedɔkpe anyi, eye dzifowo hã nye wò asinudɔwɔwɔ.

11 Woatsrɔ gake wòla anɔ anyi, wo katã woanyunyɔ abe awu ene.

12 “Àŋlɔ wo abe awuɔlaya ene eye àɖe wo ɖi abe awu si wodo la ene, ke wò ya la, ànɔ nanema, màtrɔ o, eye wò fewo hã mawu enu akpɔ gbeɖe o.”

13 Mawudɔla kae Mawu gblɔ na kpɔ be, “Bɔbɔ nɔ anyi ɔe nye nuɖusime va se ɔe esime mawɔ wɔ futɔwo woazu afɔɖɔdzinu na wɔ?”

14 Ekema nu kawoe mawudɔlawo nye? Wo katã nye gbɔgbɔ siwo subɔa Mawu eye Mawu ɔa wo be woakpe ɔe ame siwo anyi ɔeɔkpɔkpɔ fe dome la ηuti.

Nuxɔxlɔ hena toɔɔɔ

2 Esia ta ele na mi be miɔɔ to nyatefenya siwo katã miese la nyuie ne menye nenema o la miate ɔa xaa tso nyatefe la gbɔ. 2 Ne gbedeasi si mawudɔlawo gblɔ la nye nyatefe eye edzidalawo kple ame siwo meɔ toe o la xɔ tohehe si wodze na la, 3 ale ke miawo ya miawɔ asi le enu ne miégbe toɔɔɔ ɔeɔnya gã sia? ɔeɔ sia si Afeto la ηuto ɔe gbefãe zi gbãto la woɔ kpe edzi na mi to ame siwo ɔe toe la dzi. 4 Mawu ηuto hã ɔe kpe wofe ɔasediɔi dzi to dzesiwo, nukunuwo kple nukudo vovovowo dzi eye wɔna Gbɔgbɔ Kɔkɔe la fe nunana amewo le ale si wɔlɔ nu.

Yesu nɔ ame fe nɔnɔme me

5 Mawu metsɔ mawudɔlawo ɔe dziɔulawoe na xexeme si ava va esi ηuti miéle nu fom le o.

6 Ke ame aɔe gblɔ le Psalmowo fe agbalẽ me be,

“Nu kae nye amegbetɔ be nébua eηuti eye nu kae nye amegbetɔvi be neléa be ne?”

7 Èwɔ wo wobɔbɔ ɔe anyi vie wu mawudɔlawo, ètsɔ ηutikɔkɔe kple bubu ɔe fiakuku ne 8 eye nètɔ nu sia nu de efe afo te.”

Esi Mawu tsɔ nu sia nu de efe dzikpɔkpɔ te la, meɖe neneke le eme o. Gake fifi laa la medze abe nu sia nu le efe dzikpɔkpɔ te ene o. 9 Míekpɔ Yesu, ame si wowɔ wòdjidj vie wu mawudɔlawo, ke fifia la wodɔ bubu kple ɲutikɔkɔe fe fiakuku ne elabena ekpe fu yi ɖe ku me ale be to Mawu fe amenuveve me wòaxɔ ku ɖe ame sia ame nu. 10 Ɖe ko wòle etefe be, Mawu, ame si wɔ nuwo katã eye wòlé nuwo katã ɖe te la nawɔ Yesu blibo to fukpekpe me be wòakplɔ viɲutsu gedewo ve woakpɔ gome le efe ɲutikɔkɔe me, elabena Yesue kplɔ wo yi ɖeɖe le gbɔe. 11 Ame si wɔa amewo kɔkɔe kple ame siwo wowɔ kɔkɔe la katã nye fome ɖeka me wɔlawo. Eya ta mekpe ɲu na Yesu be wòayɔ wo be ye nɔviwo o. 12 Egblɔ be,

“Maɖe gbefa wò ɲkɔ na nɔvinyewo, madzi wò kafukafuhawo le ameha la ɲkume.”

13 Egagblɔ be,

“Maɖo dzi ɖe Mawu ɲu.”

Eye wogagblɔ be,

“Nye kple vi siwo Mawu nam la miele afii”.

14 Esi ɖeviawo nye ɲutilã kple vu ta la, eya hã kpɔ gome le wofe amenyenye me ale be to efe ku me wòatsrɔ ame si si ku fe ɲusɛ le, ame si nye Satana, 15 eye wòɖe ga ame siwo zu kluviwo to vɔvɔ na ku me le wofe agbemenɲekewo katã me. 16 Le nyatefe me la, menye mawudɔlawo ɲue wòkpe ɖo o, ke boɲ ekpe ɖe Abraham fe dzidzimewiwo ɲu. 17 Le susu sia ta wòle be woawɔe wòanɔ abe nɔviawo ene le go sia go me ale be wòava zu Osofogã, nublanuikpɔla kple nutefewɔla le Mawu fe ɖo me, eye be woaxe fe ɖe amewo fe nu vɔwo ta. 18 Esi wònye be eya ɲuto kpe fu to tetekpɔ me ta la, ete ɲu kpe ɖe ame siwo tem kpɔ wole la ɲu.

Kristo nye gã wu Mose

3 Eya ta, òvinye kòkòewo, ame siwo kpò gome le dzifo fe yoyò la me, mida miafe susuwo ò Yesu, Apostolo kple Osòfogã, ame si me mievu la dzi. 2 Ewò nutefe na Mawu, ame si tiafe abe ale si Mose hã wò nutefe le nuwo katã me le Mawu fe afeme la ene. 3 Abe ale si ame si tso afe nyui aòe xòa kafukafu wu afe si wòtso ene la, nenema kee Yesu hã dze na bubu wu Mose. 4 Elabena afe òe sia òe la, ame aòee tsoe gake Mawue nye nu sia nu wòla. 5 Mose nye òla nutefewòla le nuwo katã me le Mawu fe afeme, nu sia òi òase le nu si Mawu ava gbò emegbe la òuti. 6 Ke Kristo nye viñutsu nutefewòla òe Mawu fe afe dzi eye miawoe nye Mawu afe la, ne mielè dzidefo kple mòkpòkpò si me miéfoa adegbe le la me òe asi.

Nuxòxlò òe dzimaxòse òuti

7 Eya ta abe ale si Gbògbò Kòkòe la gbòe ene be,

“Egbe ne mie se efe gbe la,

8 migasè miafe dziwo me abe ale si miewò le miafe aglãdzedze me, le yeyiyi si me mieto dodokpò me le gbedadafo la ene o.

9 Afi ma mia fofowo dom kpò eye wotem kpò le, eye wokpò nu si mewò fe blaene. 10 Eya tae meòò dziku òe dzidzime ma òu eye megbò be, ‘Wofe dziwo tra mò yesiayi eye womenya nye mowo o!’

11 Eya ta le nye dziku me la meka atam gbò be, womage òe nye dzudzo fe la me gbede o.’”

Novinyewo, mikpɔ egbɔ be dzi si me nu vɔ̃ le kple dzi maxɔse si trɔna le Mawu gbagbe la yome la, naganɔ mia dometo aɖeke si o. 13 Ke mide dzi fo na mia nɔewo gbe sia gbe, zi ale si yeyi yi li, ale be mia dometo aɖeke fe dzi maku atri to nu vɔ̃ fe beble me o. 14 Ɖe mieva be mia kpo gome le Kristo me, nenyɛ be mielɛ dzidefo si le mia si le gɔmedzedzea me la me ɖe asi sesie ko. 15 Abe ale si mawunya gblɔe do ŋgɔ fifia ene be, “Egbe ne miese efe gbe la migasɛ miafe dziwo me abe ale si miewo le miafe aglɔdzedze me ene la o.”

16 Ame kawoe nye ame siwo se nya la eye wodze aglɔ? Ɖe menye woawoe nye ame siwo katã Mose kplɔ do goe tso Egipte lae oa? 17 Eye ame kawo ŋue wòdo dziku ɖo hena fe blaene sɔŋ? Ɖe menye ame siwo wo nu vɔ̃ eye wofe ŋutilākukuwo tsi gbea dzi lae oa? 18 Eye ame kawoe Mawu ka atam na be womage ɖe yefe dzudzɔ la me gbede o ne menye ame siwo sɛ to lae oa? 19 Ale miekpɔe kɔtee be womete ŋu age ɖe dzudzɔ la me o le wofe dzimaxɔse ta.

Dzudzɔ si ŋugbe wodo na Mawu fe amewo

4 Eya ta esi efe dzudzɔmeyiyi fe ŋugbedodo gali na mi ta la, mina mia kpo nyuie be metsi mia dometo aɖeke ŋuti o. 2 Elabena wogblɔ nyanyui la na mi abe alesi ke wogblɔe na woawo hã ene. Gake nya si wose la, mede vi na wo o elabena ame siwo see la mexɔe se o. 3 Azɔ, mí ame siwo xɔe se la ge ɖe dzudzɔ ma me abe ale si Mawu ŋuto gblɔe ene be,

“Eya ta meka atam le nye dziku me be, womage ɖe nye dzudzɔfe la me akpo o.” Ke hã la ewu efe do la nu tso xexeame fe gɔmedzedzea me ke. 4 Elabena efo nu tso ŋkeke adrea gbe ŋu le tefe aɖe gblɔ be, “Eye le ŋkeke adrelia dzi la Mawu

dzudzɔ edokui tso efe dɔwɔnawo katã me.” 5 Le nya sia ke me la egagblɔ be “Womage ɔe nye dzudzɔfe la me gbede o.” 6 Edze fã be ame aɔewo age ɔe dzudzɔ ma me godoo, gake ame siwo wo gblɔ nyanyui la na do ŋɔ la mete ŋu geɔe eme o le wofe tosesẽ ta. 7 Eya ta Mawu gaɔo ŋekeke bubu anyi si wòyɔ be “Egbe.” Ewo esia yeyiyi geɔee megbe esi wofo nu na David abe ale si míegblɔe va yi ene be,

“Egbe ne miese efe gbe la, migasẽ miafe dziwo me o.”

8 Elabena nenye ɔe Yosua kplɔ wo yi dzudzɔ la mee la, anye ne Mawu magafɔ nu tso ŋekeke bubu aɔeke ŋu emegbe o. 9 Ekema dzudzɔ si woyɔna be Sabat dzudzɔ la li godoo na Mawu fe amewo. 10 Ame sia ame si ge ɔe Mawu fe dzudzɔ la, me la dzudzɔna tso eya ŋuto fe dɔwɔwɔwo me, abe ale si Mawu hã dzudzɔe ene. 11 Eya ta mina be míadze agbagba ɔe sia ɔe be míage ɔe dzudzɔ ma, me eye be ame aɔeke magatsi mɔta to tomaɔomaɔo me abe ŋɔdoawo ene.

12 Elabena Mawu fe nya la le agbe le dɔ wɔm. Eɔana wu he nuevee ɔe sia ɔe, eƒona ɔe ame yina ɔe eme ke, hema luvɔ kple gbɔgbɔ me, maa funukpefewo kple futomemiwo dome, eye wòdrɔa ɔnu tamesusuwo kple dzimedidiwo. 13 Neneke mele nuwɔwɔ blibo la me si le yaɔla ɔe Mawu o. Woklo nu le nu sia nu dzi eye wòle ƒefle le Mawu, ame si míava na akɔntae la fe ŋkume.

Yesu, míafe Osɔfoga si fo anyigbadzitɔwo katã ta

14 Eya ta esi Osɔfoga, Mawu Vi Yesu, le mía, si, ame si yi dzifo ta la, mina míalé xɔse si me míevu la me ɔe asi sesie. 15 Elabena menye Osɔfoga si mate ŋu ase veve kpli mí le míafe gbɔdzɔgbɔdzɔwo me lae le mía si o, ke boŋ Osɔfoga si le mía si la, wotee kpɔ le mɔ sia mɔ nu abe míawo ke ene, ɔe koe nu vɔ mele eya ŋu o. 16 Eya ta

mi na míate va Mawu fe amenuveve fiazikpui la gbɔ kple dzidefo, be wòakpɔ nublani na mí eye wòave míá nu akpe ɔ míá ɲu le le míafe xaxayiwo.

5 Wotiaa Osɔfogã ɔ ɔ sia ɔ ɔ tso amegbetɔwo dome eye wodea ɔ asi nɛ be wòanɔ ɲgɔ na yewo le mawusubɔsubɔ fe nyawo me eye wòatsɔ nunanawo kple nu vɔ ɲuti vɔsawo aɔ Mawu ɲkume. 2 Osɔfogã sia tea ɲu gbɔa dzi ɔ ɔ na numanyala siwo le mɔ tram la esi eya ɲutɔ hã nye gbɔdzɔgbɔdzɔ le mɔ gedewo nu. 3 Esia tae wò le be wòasa vɔ ɔ ɔ eya ɲutɔ fe nu vɔ kple ame bubuwo fe nu vɔ wo ta.

Ame aɔke metsɔa bubu sia dea eɔkui ɲuti o; ele be Mawu nayɔe abe ale si wòyɔ Arɔn ene. 5 Eya ta Kristo hã metsɔ Osɔfogã fe ɲutikɔkɔe da ɔ ɔ eɔkui dzi o ke boɲ Mawu gbɔ nɛ be, “Wòe nye vinyeɲutsu, egbe mezu Fofowò.”

6 Egagblɔ le tefe bubu be,

“Enye Osɔfo tegbetegbe eye wò ɔfe sɔ kple Melkizedek tɔ”.

7 Esi Yesu nɔ agbe le anyigba dzi la, ewɔ gbedodoɔawo kple kukuɔɔewo kple ɲli kpakple aɔtsi na eya ame si si ɲusɛ le be wòade tso ku me eye wòɔ toe le efe bubu kple ɔkuiɔɔɔ ta. 8 Togbɔ be eyae nye Mawu vi hã la, esrɔ ɔkuiɔɔɔ le fukpekpe siwo me wòto la, 9 eye esi wowɔe blibo la, eva zu ɔɔɔ mavɔ kpɔtsofe na ame siwo katã ɔa toe. 10 Eye Mawu ɔe be wòanye Osɔfogã abe Melkizedek ene.

Nuxɔxlɔ ɔ megbedede ɲuti

11 Nya gedewo li si wò le be míagblɔ le nu sia ɲu, gake esi mietea ɲu sea nu gɔme kabakaba o ta la esesɛ na be míade nya siawo me na mi. 12 Le nyatefe me la, togbɔ be fifia ele be mianye nufialawo hã la, miegahiã ame aɔe kokoko be wòagagbugbɔ

afia mi gɔmedzenuwo tso Mawu fe nya fe nyatefewo ɲu. Miehiã notsi, ke menye nuɖuɖu sesẽ o! 13 Ame sia ame si ganoa notsi esi wònye ɖevi ko ta la, mate ɲu ase nufiafia tso dzɔdzɔenyenye ɲuti gɔme o. 14 Ke nuɖuɖu sesẽ nye ame tsitsiwo tɔ, ame siwo to eɲudɔwɔwɔ atradi me he wo ɖokuiwo be woate ɲu ade vovo nyui kple vɔ dome.

6 Eya ta mina míaɖe asi le gɔmedzenuwo fiafia tso Kristo ɲuti ɲu eye míaɖe zɔ ayi ɖe tsitsi ɖe edzi me. Migana míaɖbugbɔ gɔmedɔkpe aɖo na dzimetɔtrɔ tso nu siwo kplɔa ame yia kume la o, kple aɖbugbɔ gɔmedɔkpe agaɖo na xɔse le Mawu me, 2 nufiafia tso mawutsideta ɲu, asidada ɖe ame dzi, ame kukuwo fe tsitrestiti kple vɔnudɔdrɔ mavɔ ɲuti o. 3 Esia míawɔ ne Mawu lɔ.

4 Ke ame siwo dze anyi la, ale ke woawɔ aɖbugbɔ wo va dzimetɔtrɔ me? Wonye ame siwo nɔ Mawu fe kekeli me kpɔ. Woɖɔ dzifo fe nunana kpɔ eye wokpɔ gome hã le Gbɔgbɔ Kɔkɔe la me, 5 ame siawo ɖɔ Mawu fe nya la fe nyonyo kple ɲusẽ siwo le dzidzime si gbɔna la me hã kpɔ. 6 Ke wode megbe! Be woagbugbɔ wo ava dzimetɔtrɔ mee la nye nu sesẽ elabena to wofe megbedede me, wogbugbɔ Mawu fe Vi la gale kaklãm ɖe ati ɲuti, eye wole ɲukpe domii le gaglãgbe.

7 Anyigba si noa tsi si dzana ɖe edzi zi geɖe eye wòwɔa nuku nyuie na agbledela siwo ɲlɔa anyigba la, xɔa yayra tso Mawu gbɔ. 8 Ke ne anyigba la mie ɲuwo kple aɲokawo la, meganyo na naneke o eye ɲɔdzi li be ele fifode te. Mlɔeba la, woatɔ dzoe.

9 Nɔvi lɔlɔawo togbɔ be míele nu fom alea hã la, kaka ɖedzi le mía si be nya siawo meku ɖe mia ɲu o. Ke boɲ miafe ɖeɖekpɔkpɔ le ku nyuiwo tsem le miafe agbe

me. 10 Mawu menye nutefemawɔla o, eya ta manlɔ dɔ nyui si miewɔ ne kple lɔlɔ si miedɛ fiae be miekpe dɛ efe amewo ɲu eye miegale nu siawo wɔm fifia la, be gbedɛ o. 11 Enye miafe didi be mia dometo dɛ sia dɛ na lé nu siawo wɔwɔ me dɛ asi va se dɛ nuwuwu kple ɲkubia ale be miafe mɔkpɔkpɔ na de blibo. 12 Miedi be ame aɔke nazu kuviatɔ o ke boɲ ame sia ame nasrɔ ame siwo to xɔse kple dzigbɔɔji me nyi nu si ɲugbe wodo na wo la fe dome fe kpɔɔɲu.

13 Esi Mawu do ɲugbe na Abraham eye ame aɔke meli lolo wui wɔayɔ aka atam o ta la, eta eya ɲutɔ ɔkui, 14 hegblo bena, “mayra wɔ godoo eye mana dzidzimevi gedewo wɔ.” 15 Ale, esime Abraham gbɔ dzi ɔji blewu la, ɲugbedodo sia va eme ne pepepe.

16 Ne ame aɔke be yea ka atam la, eyɔa ame bubu si fe ɲko kple ɲusɛ ko wu eya ɲutɔ tɔ la ka atam lae heɔa kpe nya si wɔgblo la dzi eye wɔtsia nyaviuli dɛ sia dɛ nu. 17 Esi wɔnye be Mawu di be yeana eme nakɔ nyuie na ɲugbedodo fe domenyilawo be nu si fe ɲugbe yedo matrɔ o ta la, eka atam tsɔ ɔ kpe efe ɲugbedodo la dzi. 18 Mawu wɔ esia ale be, to nu eve siwo metrɔna o, esiwo me Mawu mate ɲu aka avatso le gbedɛ o la dzi, mí ame siwo si yi ɔaku dɛ mɔkpɔkpɔ si wona mí la ɲu la nakpɔ dziɔɔfo gã aɔke. 19 Mɔkpɔkpɔ sia le mia si abe luɔ fe seke sesɛ si mava akpɔ o la ene. Ete ɲu gena dɛ Kɔkɔe fe le xɔmetsovɔ la godo 20 afi si Yesu ame si do ɲgo na mí la ge ɔ dɛ dɛ mía nu. Eya va zu Osɔfogã abe Melkizedek ene tegbee.

Osofoga Melkizedek

7 Melkizedek sia enye Salem fia kple Osofoga na Mawu, dzifouito la. Esi Abraham tro tso avagbedzi, afi si wodu fia gedewo dzi le, gbona la, Melkizedek va kpee eye woyrae. 2 Le esia megbe la, Abraham ma nu siwo kata wotsu tso avagbedzi gbogbe la de akpa ewo me eye wotsu akpa deka na Melkizedek.

Melkizedek fe nkoa gomee nye “Dzodzonyenye, fe fia. Eye eya kee nye Nutifafa Fia, elabena du si me wonye fia lee nye Salem si gomee nye “Nutifafa.” 3 Fofu kple dada mele Melkizedek si o, eye nunloji adeke meli tso togbuiawo nuti o. Dzigbe alo kugbe meli ne o ale efe agbe de ko wole abe Mawu Vi la to ene, ame si nye Osofo tso mavu me yi de mavu me.

4 Mibu ale si wonye ga la nuti kpo. Abraham, xosetwo fofu, go ha tsu efe afunyunuwo fe ewolia ne! 5 Azu la, se la bia tso Levi viwo ame siwo nye Osofowo la si be woaxu nu ewolia le wofe dukomeviwo si, ame siwo nye wo noviwo, togbu be wo noviawo nye Abraham fe dzidzimeviwo ha. 6 Ke nutsu sia, Melkizedek, menye Levi fe dzidzimevi o, ke ha la, exu nu ewolia le Abraham si eye woyra eya ame si xu Mawu fe nugbedodoawo 7 abe ale si ame sia ame nya ene la, zi gedu la ame si naa yayra la kona wua ame si yram wole. 8 Ame siwo nye Osofowo esi woxu nu ewolia la nye amegbetowo, nutila kple uu, si kuna. Ke hena Melkizedek ya la, wogblo le enuti be egale agbe. 9 Miate nu agblo le Levi, ame si xu nu ewolia nuti go ha be exe nu ewolia to Abraham dzi, 10 elabena esi Melkizedek do go Abraham la, Levi no togbuia, Abraham, fe alime.

tegbetegbe. Sedofe meli na eya fe Osɔfodɔ o. 25 Eya ta ɲusẽ le esi be wòadɛ ame siwo va Mawu gbɔ to eya amea dzi la blibo, elabena ele agbe tegbee le nya xɔm dɛ akɔ na wo.

26 Ekema Yesue nye Osɔfogã ma si kpɔa míafe hiahiãwo gbɔ, ame si le kɔkɔɛ, kpɔtsɔtsɔ mele eɲu o, ame si le dzadze, ame si woɔ dɛ aga tso nu vɔ wɔlawo gbɔ eye wokɔɛ dɛ dzi gbɔ dzifowo ɲui. 27 Mele abe Osɔfogã bubuwo ene o elabena mehiã be wòasa vɔ gbe sia gbe, gbã dɛ eya ɲutɔ fe nu vɔwo ta, eye evelia, dɛ ame bubuwo tɔ ta o. Esa vɔ dɛ woɔ fe nu vɔwo ta zi dɛka hena ɲeyiyiawo katã, esi wòtsɔ edokui hena. 28 Elabena Mose fe Se la tɔ asi ame siwo nye gbɔdzɔgbɔdzɔtɔwo la dzi be woanye Osɔfogãwo, ke Mawu fe atamkaka si va dɛ Sea yome la tɔ asi Via dzi, ame si wòwɔ wòde blibo tegbetegbe.

Nubabla yeye la fe Osɔfogã

8 Nya siwo katã míegblɔ na mi la fe tafonyae nye esi: bena Osɔfogã vavã le mía si. Azɔ la ele dzifo eye wòɔ anyi dɛ bubutefe gãtɔ kekeake, 2 eyae subɔna le gbedoxɔ vavãtɔ si le dzifo la me. Gbedoxɔ sia menye esi amegbetɔ tɔ eɛ asi tui o, ke boɲ Afetɔ la ɲutɔe tui.

3 Esi wònye Osɔfogã dɛ sia dɛ fe dɔ be woasa vɔ eye wòana nuwo la, ele na Kristo hã be woana nane. 4 Nenyɛ dɛ wòle anyigba dzi la, maɲu Osɔfo o elabena Osɔfowo li xoxo, ame siwo tsɔa nunanawo nana le Yudatɔwo fe se la nu. 5 Osɔfo siawo subɔna le Kɔkɔɛfe la, si nye esi le dzifo la fe vɔvɔlĩ. Esia tae, esi Mose be yeatu Agbadɔ le gbea dzi la, Mawu xlɔ nui be, “Kpɔ egbɔ be nàwɔ nu sia nu dɛ dɔdɔ si woɔ fia wò le toa dzi la nu.” 6 Ke Osɔfodɔ si wode asi na Yesu la, kɔ sãa

wu wo tɔ eye abe ale si nubabla si fe avuléla wònye la kɔ wu xoxotɔ sãa ene la, nenema kee woɖɔe anyi ɖe ñugbedodo siwo nyo wu tsãtɔwo la dzi.

7 Elabena nenye ɖe naneke meglẽ le nubabla gbɔtɔ ñu o la, anye ne wometsɔ nubabla bubu ɖɔ lii o. 8 Ke Mawu ñuto kpɔ vodada le efe dukɔ la ñu eye wògblo bena, “Afetɔ la be, ñkekewo li gbɔna esi dzi mabla nu yeye kple Israel kpakple Yuda fe afewo. 9 Manɔ abe nu si mebla kple wo fofowo esi melé wofe alɔnu, kplɔ wo do goe le Egipte la ene o, elabena womewɔ nutefe le nu si mebla kpɔli wo la me o, eya ta nye hã metrɔ megbe de wo. Afetɔ lae gblɔe. 10 Azɔ la esiae nye nu si mabla kple Israel fe afe la, le ñkeke siwo gbɔna la me. Afetɔ lae gblɔe. Matsɔ nye sewo ade wofe susuwo me eye maɱlɔ wo ɖe wofe dziwo ñu. Manye wofe Mawu eye woawo hã woanye nye dukɔ. 11 Ame aɖeke magafia nu ehavia alo afia nu nɔviaɱutsu agblɔ be, ‘Dze si Afetɔ la’ o, elabena wo katã woanyam tso ɖeviwo dzi va se ɖe tsitsiawo dzi. 12 Matsɔ wofe nu vɔɖi wɔwɔwo ake wo eye nyemagaɖo ñku wofe nu vɔwo dzi o.”

13 Ke esi Mawu yɔ nubabla sia be “Yeye” la, ewɔ gbãtɔ wòdo xoxo eye nu si tsi, do xoxo la, nu ava yi kpuie.

Subɔsubɔ le anyigbadzigbadɔ la me

9 Azɔ la, nubabla gbãtɔ ɖo ɖoɖowo anyi na subɔsubɔ eye wotu anyigbadzi Kɔkɔefe hã. 2 Wotu Agbadɔ; le Agbadɔ la fe xɔ gbãtɔ me la, akaɖiti, kplɔ kple ñkumedɔbobo nɔ anyi eye woyɔ tefe sia be Kɔkɔefe. 3 Wotsɔ xɔmetsovɔ tso xɔ sia mee eye woyɔ tefe si le xɔmetsovɔa megbe la be, Kɔkɔefewo fe Kɔkɔefe. 4 Nu siwo le xɔ sia mee nye Sikavɔsamlekpuie kple aɖaka si woyɔna be Nubablaɖaka,

wofa sika ɔe aɔaka sia ɔuti kpe ɔo. Le aɔaka sia me la, mɔakpo kpe eve siwo dzi wonlo se ewoawo ɔo, eye sikakplu si me mana le la ha le aɔaka la me hekpe ɔe Aron fe atikplo si fo se la ɔuti. 5 ɔutikokokoe fe Kerubiwo no Nubablaɔaka la tame eye wokeke wofe awalawo ɔe tefe si wotsa nu vo kena le. Ke mɔate ɔu adzro nya siawo me ayi edzi fifia o. 6 Ne nu sia nu so gbe vo la, Osɔfowo gena ɔe xo ɔgogbeto me ɔaa edzedzi eye wowo mawusubosuboo. 7 Ke Osɔfogã ɔeka koe gena ɔe xo emeto me eye woɔa esia zi ɔeka ko le fe ɔeka me. Ne eyina la, megbea utsotsɔ ɔe asi o, uu si wotsa saa voe, ɔe eya ɔuto kple dukɔ la fe nu vo siwo wowo le manyamanya me la ta. 8 Gbogbo Kokoe ɔee fia to esia dzi be womeklo nu le mo si yi Kokoe fe Kokoe la dzi haɔe o, zi ale si Agbadɔ gbato la gale te nu ko. 9 Esiae nye nufiafia tso fifia fe yeyiwo ɔuti esi le asi tom edzi be nunana kple vosa siwo wowo na Mawu la, mate ɔu aɔe vo ɔa le ame si le subosuboo wom la fe susu me o. 10 Wonye nuɔu, nunono kple ɔutikoklo fe konu vovovowo ko fe nya, esiwo nyegotadzesiwo fe ɔoɔowo, esiwo no anyi va se ɔe esime ɔoɔo yeyea va.

Kristo fe Uu

11 Esi kristo va abe nu nyui siwo li xoxo fe Osɔfogã ene la, eto gbexoo si lolo hede blibo wu la me, gbexoo si wometsɔ asi tui o alo miagblo be menye nuwo la fe akpa aɔe o. 12 Mege ɔe Kokofewo fe Kokoe la me to gbowo kple nyiviwo fe uu me o, ke boɔ ege ɔe Kokofewo fe Kokoe la me zi ɔeka ho hena yeyiwo kata to eya ɔuto fe uu me, esia me woto xo ɔe mavo na mi. 13 Nenyee be gbowo kple nyitsuwo fe uu kpakple nyiviwo fe afi si wohlẽ ɔe ame siwo ɔuti meko o la ɔu wone be wofe ɔuti kona le gotagome la, 14 ekema geɔe wu Kristo, ame si to Gbogbo mavo

la me tsɔ edokui na Mawu fɔdɔdɔmanɔmee la, fe uu aklo míafe dzitsinyawo ɲuti tso nu siwo hea ku ve la me, ale be míate ɲu asubɔ Mawu gbagbe la.

15 Le susu sia tae Kristo nye nubabla yeye la fe avuléla be ame siwo woyɔ la naxɔ domenyinyi mavɔ la fe ɲugbedodo. Azɔ la eku be wòazu fe xexedeta adɛ ame siwo wɔ nu vɔ le nubabla xoxoa te.

16 Afi si wonɔ domenyigbalɛ da dji le la, ehĩa be ame si ɲlo agbalɛ sia naku hafi, 17 elabena wowɔa domenyigbalɛa me nyawo ɲuti dɔ ne ame si ɲloɛ da dji la megava li o. Womewɔa domenyigbalɛ me nyawo ɲuti dɔ ne ame si ɲlo agbalɛa la le agbe o. 18 Esia tae womewɔ nubabla gbãtɔ me nyawo dzi uu manɔmee o. 19 Esi Mose dɛ gbefã se dɛ sia dɛ si le segbalɛa me na dukɔ la la, etsɔ nyiviwo fe uu, tsi, dɛtifufu dzɛ kple fumekutsa eye wòtsɔɛ hlɛ uu dɛ se gbalɛ kple dukɔ haho la ɲuti. 20 Tete wògblo bena, “Esia nye nubabla la fe uu, nubabla si Mawu de se na mi be mialé dɛ asi.” 21 Nenema ke wòhlɛ uu dɛ agbadɔ la kple nu siwo katã ɲuti dɔ wowɔna le subɔsubɔ me la ɲuti. 22 Le nyatefe me se la bia be woakɔ nu sia nu kloɛ ɲuti kple uu, eye newomekɔ uu dji o la nu vɔ tsɔtsɔke manɔ anyi o.

23 Eya ta ehĩa kokoko be woakɔ nu siwo nye dzifonuwo fe vɔvɔli ɲuti kple vɔsa siawo, gake woakɔ dzifonuawo ɲutɔ ɲu kple vɔsa siwo de ɲgɔ wu esiawo. 24 Elabena Kristo meyi dɛ Kɔkɔefe si wowɔ kple asi la me esi nye dzifotɔ fe vɔvɔli la me o, ke boɲ eyi dɛ dzifotɔ la ɲutɔ me afi si wodo dɛ Mawu ɲku me le azɔ dɛ mía tefe 25 Nenema ke meyi dɛ dzifo be wòatsɔ edokui ana zi gedɛ abe ale si Osɔfoga la gena dɛ Kɔkɔefe fe Kɔkɔefe la fe sia fe kple uu si menye eya ɲutɔ tɔ o la ene o. 26 Ne ele alea la ele na Kristo be wòatsɔ edokui ana fukpekpe zi gedɛ tso esi me ke woɔ xexea me gɔme anyi, gake azɔ la eva zi dɛka hena yeyiwo katã le yeyiwo

siawo fe nuwuwu be wòadę nu v̄õ ąa to edokui tsotsɔ savɔe me. 27 Abe ale si wođoe na ame be wòaku zi ąeka eye le esia megbe wòadze ęęɔ ɔɔnudɔdr̄ɔ ene la, 28 nenema ke wotsɔ Kristo h̄ã savɔe zi ąeka be wòadę ame geđewo fe nu v̄õ ąa eye agava zi evelia menye be wòagava ąe nu v̄õ ąa o ke boę be wòahę ąeđe ve na ame siwo katã le elalam.

Kristo fe v̄osa ąeka la hena ęeyiyiwo katã

10 Se la nye nu nyui siwo gbɔna la fe v̄ɔv̄oli ko eye menye nua ęutɔwo o. Le susu sia ta la, v̄osa siwo wowɔna agbadre fe sia fe la, mate ęu awɔ ame siwo va subɔne la blibo gbeđe o. 2 Ne ąe v̄osa mawo te ęu wɔ wo blibo la, ne womedzudzo v̄osasa oa? Elabena, anye ne v̄osa la kɔ ame siwo sanę la ęuti zi ąeka hena ęeyiyiwo katã eye wofe dzitsinyawo magabu fɔ wo le wofe nu v̄õwo ta o. 3 Ke v̄osa mawo ąoa ęku nu v̄õ dzi na ameawo fe sia fe, 4 elabena mele bɔbɔe be nyitsuwo kple gb̄ɔwo fe uu nađe nu v̄õ ąa o.

5 Eya ta esi Kristo va xexeame la egblo bena.

“M̄edi v̄osa kple numemewo o, ke boę ęutilã si n̄edzra ąo ąi nam;

6 eye numev̄osa kple nu v̄õ v̄osawo h̄ã medzea ęuwò o.

7 Tete megblo be, ‘Nyee nye esi, wonęlo nu tso ęutinye le lagbal̄ęgbal̄ę me be, O Mawu, meva be mawo wò lɔl̄õnu.’”

8 Gbã la egblo be, “V̄osawo, numemewo kple numev̄osawo kpakple nu v̄õ v̄osawo la medi wo o eye womedzea ęuwò h̄ã o.” Togbo be se la bia be woawo wo h̄ã. 9 Tete wògblo bena, “Nyee nye esi, meva be mawo wò lɔl̄õnu.” Ale wòđe se

gbãto la ða be wòaðo evelia anyi. 10 Eye to Mawu fe lólõnu wòwò me wòwò mí kòkòe to Yesu Kristo fe ñutilã si wòtsò sa vòe hena yeyiyiwo katã la me.

11 Osòfo la wòe efe vòsasadówo gbe sia gbe eye nenema ke wòwò vòsa mawo ke edzi edzi, vòsa siwo mate ñu aðe nu vò ða akpò gbede o. 12 Ke esi Osòfo sia ya sa vò ðe nu vòwo ta zi ðeka hena yeyiyiwo katã la eyi ðano Mawu fe nuðusi me. 13 Tso yemayi la ele lalam be woatsò efe futòwo awò efe afòðòdzinui. 14 Elabena to vòsa ðeka si wòwò me la ewò ame siwo ñuti kòm wòle la blibo tegbegbe le Mawu fe ñkume.

15 Gbògbò Kòkòe hã ði ðase tso esia ñuti; gbã la egblò bena, 16 “Esia nye nu si mabla kpli wo le yeyiyi ma megbe, Yehowae gblòe. Matsò nye sewo ade wofe dziwo me eye manlò wo ðe wofe susuwo me.” 17 Egagblò kpe ðe enu be, “Nyemagado ñku wofe nu vòwo kple nu vòði wòwòwo dzi azò o.” 18 Eye afi si wòtsò nu siawo ke le la vòsasa ðe nu vò ta megahã o.

Yòyò hena vevidodo

19 Eya ta ñovi lólõwo, esi me kakaðedzi le mia si be miage ðe Kòkòefe fe Kòkòefe la to Yesu fe uu me ñuti la, 20 evu mò yeye kple mò gbagbe na mí to xòmetsovò si nye efe ñutilã la me. 21 Eye esi Osòfogã le mía si le Mawu fe afe nu ta la, 22 mina míate ðe Mawu ñu le dzi vavã me kple xòse fe kakaðedzi blibo la me kple dzi siwo ñu wohlẽ uu ðo be wòaklò mía ñuti tso dzitsinya vòðjiwo me, eye wòale tsi na míafe ñutilãwo kple tsi zòzròe. 23 Mina míalé mòkpòkpò si me míevu la me ðe asi mauãmauãe elabena ame si do ñugbea la nye nutefewòla. 24 Eye mina míabu ale si míado ñusẽ mía ñewo la ñuti be woayi dzi le lólõ kple ðò nyui wòwò me. 25

Migana míagbò dzo le míafe takpefowo dede me o, abe ale si ame aḡewo tsɔe ḡo dɔe nɔ kuvia wòm ene o, ke boḡ mina míade dzi fo na mía nɔewo vevietɔ esi mienyae be efe ḡkeke la te tu afe kpokploe.

26 Ne míebua le nu vɔ wɔwɔ dzi, esi míenya nyatefe la vɔ megbe la, vɔsasa ḡe nu vɔwo ta aḡeke megali o, 27 ke nu si ko míanɔ mɔ kpòm na le ḡɔdzi gã aḡe me lae nye vɔnudɔdrɔ kple dzobibi si ava fiã Mawu fe futɔwo. 28 Ame sia ame si ada le Mose fe se dzi la, wofua kpee nublanuimakpɔmakpɔtɔe le ḡasedjila eve alo etɔ fe nya nu. 29 Tohehe gã kae miesusu be mehedze na ame si titi afɔ ḡe Mawu fe Vi la dzi oa? Ame si do ḡunyɔ nubabla la fe vu si klo eḡuti la abe nu makɔmakɔ wònye ene eye wodzu amenuveve fe Gbɔgbɔ la? 30 Elabena míenya ame si gblɔ be, “Hlɔbiabia la tonyee, maḡo etefe ne,” egagblɔ hã be, “Afetɔ la adrɔ vɔnu efe dukɔ la.” 31 Enye ḡɔdzinu be ame aḡe nage ḡe Mawu gbagbe la fe asi me.

32 Miḡo ḡku ḡkeke siwo do ḡɔ la dzi esi miexɔ kekeli la vɔ la mienɔ te sesie to uipli gedewo me mieto fukpekpe hã me kalɛtɔe. 33 Yeadewoyi la wodzua mi le gaglã gbe eye wotia mia yome, yebubuyiwo la mienɔ te kpe ḡe ame siwo nɔ xaxa mawo ke me la ḡuti. 34 Miefakonyi kple ame siwo wode gaxɔ me eye esi woxɔ miafe nunɔamesiwo le mia si akpasesɛtɔe la miexɔe kple dzidzo, elabena miawo ḡuto mienyae be nunɔamesi siwo nyo saã wu eye womenyunyɔna o la le mia si.

35 Eya ta dzi megade le mia fo o elabena miafe dzidefo ahe fetu gedɛ ve na mi. 36 Ele be miado vevie ale be ne miewɔ Mawu fe lolɔnu la miaxɔ nu si fe ḡugbe wòdo. 37 Elabena le yeyiyi kpui aḡe megbe la, “Ame si gbɔna la ava ḡo matsi megbe o. 38 Ke nye dzɔdzɔetɔ la anɔ agbe to xɔse me. Ke ne ede megbe la

nyemakpɔ dzidzɔ le eɲuti o.” 39 Ke míawo ya míele abe ame siwo de megbe eye wotsr̄ la ene o, ke boɲ míenye ame siwo xɔe se eye míekpɔ dɛdɛ.

To xɔse me

11 Azɔ la xɔse nye kaka dɛ nu siwo míekpɔ mɔ na la dzi kple dziɔɔɔ dɛ nu siwo míekpɔ o la ɲu. 2 To xɔse mee ame siwo do ɲgɔ la kpɔ dɛsedɛdɛ nyui le Mawu gbɔ le.

3 To xɔse me míese egɔme be Mawu dɛ gbe eye xexeame va dzɔ ale be wòwɔ nu si wokpɔna la tso nu si wowekpɔna o la me.

4 To xɔse me Abel tɔ vɔsasa si nyo wu Kain tɔ la na Mawu. To xɔse me wokafui be enye ame dzɔdzɔe esi Mawu fo nu nyui tso efe vɔsa la ɲu. To xɔse me wògale nu fom ko togbɔ be eku hã.

5 To xɔse me wokɔ Enɔk dzoe tso agbe sia me ale be meɔɔ ku kpɔ o, ale womegakpɔe o elabena Mawu kɔe dzoe. Elabena hafi wokɔe dzoe la wogblɔ tso eɲu be Mawu kpɔ ɲudzedze le eya amea ɲuti. 6 Xɔse manɔmee la ame aɔke mate ɲu adze Mawu ɲu o, elabena ame si va Mawu gbɔ la ele be wòaxɔe se be Mawu li eye wòɔa etefe na ame siwo dine vevie.

7 To xɔse me esi woxl̄ nu Noa tso nu siwo mekpɔ dzɔ haɔe o ɲuti la etsɔ vɔv̄ kɔkɔe kpa aɔakav̄u be wòade eya kple efe fomea. To efe xɔse me wòbu fɔ xexeame eye wòzu dzɔdzɔenyenye si vana to xɔse me la fe domenyila.

8 To xɔse me esi woyɔ Abraham be wòayi tefe si wòava xɔ wòazu efe domenyinu la, eɔ to eye wòyi, togbɔ be menya afi si yim wònɔ o hã. 9 To xɔse me ewɔ nɔfe dɛ ɲugbedodonyigba la dzi eye wònɔ afi ma abe amedzro si le dzronyigba

dzi la ene, elabena eno avogbadowo me. Nenema kee nye Isak kple Yakob ame siwo hã nye nugbedodo ma ke fe domenyilawo kplii. 10 Elabena Abraham no mo kpom na du si Mawu nuto nye egomedola, adanuwola kple etula.

11 To xose me esi Abraham tsi xo fe gedde ha la, ete nu dzi Vi. Nenema Kee nye srãa, Sara, ha, ame si tsi ko tsã. To xose me Abraham zu fofo elabena Mawu ame si do nugbe ne la, bui nutefewolae. 12 Ale to ame deka sia dzi, ame si nu miãte nu agblo le be megale nutsu me o la, dzidzime gedde siwo so gbo abe yletiviwo le dziingoli nu kple futake ene la va dzo.

13 Ame siawo kata va ku esime wogale xose me de asi ko. Womexo nu siwo fe nugbe wodo na wo la o, de ko wokpo wo, do dzaa na wo le adzoge eye wovu eme be amedzrowo kple mozolawo yewonye le anyigba dzi le afi. 14 Ame siwo gblo nya siawo togbi la, dee fia be wole woawo nuto fe dedu dim. 15 Nenye be du si me wotso la nuti bum wono la, anye ne monukpokpo ano wo si be wotro ayi. 16 Le esia tefe la wole du si nyo wu esi nye dzifoto la dim. Eya ta menye nukpe na Mawu be woayee be wofe Mawu o, elabena edzra du nyui ade do di na wo.

17 To xose me esi Mawu do Abraham kpo la, etso via Isak be yeasa vee, eya ame si xo nugbedodoawo la, no klalo be yeatsa via nutsuvi deka ho la asa vee, 18 togbo be Mawu gblo ne be, “To Isak dzi la dzidzimevi siwo kata fe nugbe wodo na wo la ava dzo” ha. 19 Abraham dze sii be Mawu ate nu afo ame kukuwo de tsitre eye woate nu agblo ko be exo Isak tso ku me.

20 To xose me Isak yra Yakob kple Esau, ku de nu si woava nye le etso me nuti.

21 To xɔse me Yakɔb yra Yosef viɔutsuwo le esime efe kuyi ɔo eye wɔziɔ ɔe efe atitɔɔɔnu ɔuti hesubɔ Mawu.

22 To xɔse me esime Yosef fe kuyi ɔo la, efo nu tso Israelviwo fe gododo le Egipte ɔuti eye wɔgblo ɔoɔo tso efe fuwo ɔuti na wo.

23 To xɔse me Mose dzilawo ɔlae ɔleti etɔ sɔɔ le edzidzi vɔ megbe elabena wokpɔe dze sii be menye vidzɔ dzodzro aɔe koe wɔnye o eya ta womevɔ na fia la fe se dzi dada o.

24 To xɔse me esi Mose va tsi la, egbe be womayɔ ye be Farao vinyɔnu fe viɔutsu o 25 ke boɔ elɔ be yeakpe fu kple Mawu fe amewo wu be yease nu vɔ fe vivi hena ɔeyiɔi kpui aɔe ko. 26 Ebu vlododo le “Mesia” la ta nu xɔasi wu kesinɔnu siwo katã no Egipte elabena enɔ mo kpɔm na efe fetu gã si no ɔgɔgbe. 27 To xɔse me Mose dzo le Egipte eye mevɔ na fia la fe dziku o, ke boɔ edo vevi nu elabena ekpɔ eya, ame si womekpɔna kple ɔku o. 28 To xɔse me Mose ɔo ɔtutitotɔkekenyui kple uehehlɛ la anyi ale be nugblɛla si wu ɔgɔgbeviwo la maka asi Israelviwo fe ɔgɔgbeviwo ɔu o.

29 To xɔse me Israelviwo tso Fu Dzɔ la abe anyigba fufui dzie wozɔ ene, gake esi Egiptetɔwo hã dze agbagba be yewoawɔ nenema la, wo katã tsi Fu Dzɔ la me.

30 To xɔse me Yeriko fe gliwo mu esi Israelviwo fo xlãe ɔkeke adre.

31 To xɔse me gbolo Rahab, esi wɔxɔ ɔkutsalawo ta la, womewui kpe ɔe tosɛlawo ɔuti o.

32 ɔe wɔgahiã be mayi edzia? ɔeyiɔi mele asinye be mafo nu le Gideon, Barak, Samson, Yefta, David, Samuel kple nyagblɔɔjila bubuwo ɔuti o, 33 ame siwo

to xɔse me xɔ fiaɖufewo, ɖu dzi le dzɔdzɔenyenyeye me eye wofe asi su nu si fe ɲugbe wodo la dzi. Ame siawo de ga nu na dzatawo, 34 tsi dzofeaɖewo nu eye wosi le yi nu, ame siwo fe gbɔdzɔgbɔdzɔ trɔ zu ɲusẽ, wozu kalẽtɔwo le ava me eye woɖu dzronyigbadziwakɔwo dzi. 35 Wogbo agbe nyɔnu siwo fe lɔlɔtɔwo ku eye wotsɔ wo na wo agbagbe. Wowo funyafunya ame bubuwo eye wogbe be womegana ablɔɖe yewo o ale be tsitrestiti si nyo wu la nasu yewo si. 36 Woɖu fewu le ame aɖewo ɲu, wofo ɖewo kple atam ke wode ga bubuwo eye wode wo gaxɔ me. 37 Wofu kpe wo, wodze wo kple laxalaxa ɖe eve eye wowu wo kple yi. Wonɔ yiyim le alẽgbalẽwuwo kple gbõgbalẽwuwo me le ahedada gã aɖe me. Woti wo yome eye wosẽ ɲuta le wo ɲu, 38 womeɖi naneke le xexe sia me o. Wonɔ tsaglãla tsam le gbedzi, towo dzi, agadowo me kple agakpetowo me le anyigba dzi.

39 Woɖi ɖase nyui le ame siawo katã ɲuti le wofe xɔse ta, ke hã la wo dometɔ aɖeke mexɔ nu si fe ɲugbe wodo la o. 40 Mawu wɔ ɖoɖo si nyo wu la ɖe mía ɲuti, ale be ne wowo ɖeka kpɔ mí la hafi ko woade blibo.

Mawu hea viawo

12 Eya ta esi ɖasedɔlɔwo fe ha gã aɖe fo xlã mí ta la, mina míaɖe mɔxenu ɖe sia ɖe kple nu vɔ si bla mí sesie la ɖa eye mina míaake duɖime si woɖo ɖi na mí la kple vevidodo. 2 Mina míaakpɔ Yesu dzi, ame si nye míaɖe xɔse fe gɔmedɔla kple nuwula, ame si le dzidzɔ si le ɲgɔ ne ta la, to atitsoga fe fu la me eye mebui ɲukpee o. Ale wòyi ɖanɔ Mawu fe fiazikpui la fe nuɖusime. 3 Mibu fukpekpe gã si me wòto le nu vɔ wɔlawo sime ɲu ale be miagagbɔdzɔ eye dzi naɖe le mia fo o.

4 Le miafe vipli le nu v̄s sime la, mievli va se ɖe esime miafe uu kɔ ɖi haɖe o. 5 Ke mienlɔ dzidefonya si yɔ mi be viɔutsuwo la be. Nya lae nye be, “Vinyenɔtsu, m̄gado vlo Afeto la fe amehhe eye dzi megade le fowò ne eka mo na wò o, 6 elabena Afeto la ɖa ame siwo wòlɔ la ɖo eye wòhea to na ame sia ame si wòxɔ abe viaɔtsu ene.”

7 Mito fukpekpe me abe miafe hehe fe akpa aɖe ene elabena Mawu le mia hem abe viaɔtsuwo ene elabena viɔtsu kae li ame si fofoa mehea to na o? 8 Ame sia ame toa hehe me eya ta ne miawo mieto hehe me o la, ekema mienye viɔtsuvi vavãwo o, ke boɔ mienye ahasiviwo. 9 Gawu la, anyigbadzifofowo le mía si, ame siwo naa hehe mí eye míetsɔ bubu naa wo ɖe eta. Geɖe wu la, ele be míabɔbɔ mía ɖokui ɖe mía Fofu, gbɔgbɔmetɔ, te be míanɔ agbe! 10 Míafe anyigbadzifofowo hea to na mí hena yeyiyi kpui aɖe abe ale si wònyo na woe ene gake Mawu ya hea to na mí hena míafe nyonyo be míakpɔ gome le efe kɔkɔenyenye me. 11 Tohehe aɖeke meli si vivia ame nu o, ke boɔ evena, ke hã la, emegbe la, etsea dzɔdzɔenyenye kple ɔtifaɖa fe kuwo na ame siwo to tohehe la te.

12 Eya ta mido ɔsẽ miafe abɔ siwo gbɔdzɔ kple miafe klo beliwo. 13 Mita mɔ dzɔdzɔewo na miafe afɔwo ale be atatututɔ matsi mɔ ta o, ke boɔ wòakpɔ ɖɔyɔyɔ.

Nuxɔxlɔ ɖe nugbegbe le Mawu gbɔ ɔuti

14 Midze agbagba ɖe sia ɖe be mianɔ anyi kple amewo katã le ɔtifaɖa me eye mianɔ kɔkɔe, elabena kɔkɔenyenyemanɔmee la ame aɖeke mate ɔ akpɔ Afeto la o. 15 Mikpɔ egbɔ be, Mawu fe amenuveve metsi ame aɖeke ɔ o eye mi kpɔ nyuie be gbe v̄s aɖeke meto ke ɖe mia dome esi ava zu aɖi v̄ɖi anɔ fu ɖem na ame geɖewo

ahafo ɔi wo o. 16 Mikpɔ nyuie be ame aɔeke mezu ahĩawɔla alo anye mawumavɔla abe Esau ene ame si tso efe ngɔgbevinyenye kple enu domenyinuwo dzra ɔe nuɔɔɔu zi ɔeka ko ta la ene o. 17 Abe ale si mienya nyuie ene la, esi wɔva be yeanyi yayra sia fe dome emegbe la, wogbe enana. Mɔ aɔeke meli si dzi wɔato be woatrɔ nu sia o, togbo be edi yayra sia kple aɔatsi hã.

18 Menye to si nɔti woate nu aka asii, to si le bibim kple dzo la gbɔe mieva o; mieva viviti, afudodo kple ahom gbɔ o. 19 Menye kpɛɔiɔi, gbe si le nu fom ale be ame siwo see la ɔe kuku ne be megafɔ nu na yewo azɔ o la gbɔe mieva o; 20 elabena womate nu awɔ ɔe gbe si woɔe na wo be, “Ne lã aɔe gɔ hã ka asi to la nu la, ele be woafu kpee woaku” la dzi o. 21 Nukpɔkpɔ la dzi nu ale gbegbe be Mose gblɔ be, “Mele dzodzom nyanyanya kple vɔvɔ.”

22 Ke mieva Zion to la gbɔ, dzifo Yerusalem, si nye Mawu gbagbe la fe du la gbɔe mieva. Mieva mawudɔla akpe akpe siwo fo fu le dzidzɔ kpɔm la fe asaɔa me. 23 Mieva ngɔgbevi la fe hame, ame si fe nkɔwo wonɔ ɔe dzifo. Mieva Mawu, ame si nye amegbetɔwo katã fe vɔnudrɔla la gbɔ. Mieva ame dzɔdzɔe siwo wowɔ blibo la fe gbɔgbɔwo gbɔ, 24 mieva Yesu, nubabla yeye la fe avulé la la gbɔ kple uuhehlẽ si fo nu nyie wu Abel fe uu la gbɔ.

25 Mikpɔ nyuie be miagagbe toɔoɔo ame si le nu fom la o. Nenye be womete nu si, esi wogbe toɔoɔo eya ame si xlɔ nu wo le anyigba dzi la nu o la, ale ke míawo ya miate nu asii ne míegbe toɔoɔo ame si le nu xlɔm mí tso dzifo? 26 Le yemayi me la, efe gbe uvu anyigba gake azɔ la edo nu gbe be, “Magavuuu menye anyigba ɔeɔe ko o, ke boɔ dzifowo hã” 27 Nyagbe, “ake” ɔe fia be woɔe nu si woate nu avuu

la ɔa, nu siwo nye nuwɔwɔwo ale be nu siwo womate ɲu awuu o la ɔeɔe ko natsi anyi.

28 Eya ta esi míele mɔ kpɔm na fiadufe si womate ɲu awuu o la xɔxɔ la, mina míada akpe ɔe eta eye míasubɔ Mawu le mɔ si adze la dzi le vɔvɔ kple dzodzo nyanyanya me, 29 elabena dzo si fiaa nu lae nye míafe Mawu la.

Tafonyawo kple ɲusẽdoamenyawo

13 Minɔ mia nɔewo lɔlɔ dzi ɔaa abe dadaviwo ene 2 Miganjɔ amedzrowɔwo be o; to esia wɔwɔ me ame aɔewo xɔ mawudɔlawo le manyamanya me 3 miɔo ɲku ame siwo wode gaxɔme la dzi abe miawo hãe le gaxɔme kpɔli wo ene. Nenema ke miɔo ɲku ame siwo wole fu wɔmii la dzi abe miawo hãe le fua kpem ene.

4 Ame sia ame nade bubu srɔɔeɔe ɲu eye womafo ɔi srɔɔeba o elabena Mawu abu fɔ ahasiwɔlawo kple matrewɔlawo katã. 5 Mite mia ɔkuiwo ɔa xaa tso galɔlɔ gbɔ eye nu si le mia si la nedze mia ɲu elabena Mawu gblɔ be, “Nyemaɔe asi le mia ɲu akpɔ o eye nyemagblẽ mi ɔi akpɔ gbeɔe o.” 6 Esia ta míegblɔ kple dzidefo be, “Yehowae nye nye xɔnametɔ, nyemavɔ o. Nu ka amegbetɔ ate ɲu awɔm?”

7 Miɔo ɲku miafe kplɔlawo dzi, ame siwo gblɔa Mawu fe nya na mi. Mibu nu siwo do go tso wofe agbenɔnɔ me la ɲuti ne miasrɔ wofe xɔse. 8 Yesu Kristo metrɔna gbeɔe o, ale si wɔnɔ etsɔ si va yi, nenema kee wɔle egbe eye nenema kee wɔnɔ ɔaa. 9 Migana nufiafia trama aɔeke nakplɔ miafe susuwo adzoe o. Enyo be woatsɔ amenuveve ado ɲusẽ miafe dziwo ke menye to nuɔɔɔu tɔxe aɔewo fe sewo dzi wɔwɔ me o, esiwo mehea viɔe aɔeke vane na ame siwo ɔune la o. 10

Vosamlekpui aḡe le mia si; Osofo siwo subona le Agbadu me gũ hã mekpɔ mo aḡu nu si tso vosamlekpui sia dzi o.

11 Osofogã la tsoa lãwo fe uu yina ḡe Kɔkɔefe fe Kɔkɔefe la abe nu vɔ ḡuti vɔsa ene, gake wotɔa dzo lãawo ḡuto le asaḡa la godo. 12 Esia tae Yesu hã kpe fu le du la fe agbo godo be wòakɔ efe amewo ḡu, awɔ wo kɔkɔe to eya ḡuto fe uu la me. 13 Eya ta mina míayi egbo azɔ le asaḡa la godo be míawo hã míaḡu ḡukpe si wòtso, 14 elabena du si nɔa anyi ḡaa la, mele mía si le afii o, ke míele mo kpɔm na du si lava va.

15 Eya ta mina míatsɔ kafukafuvɔsa na Mawu yesiayi to Yesu dzi, kafukafu siwo nye kutsetse tso nyui siwo uua Yesu fe ḡkɔ me la me. 16 Miganḡo nyuiwɔwɔ be o eye miama nu kple mia nɔewo elabena vɔsa siawo tɔgbie dzea Mawu ḡu.

17 Miḡo to miafe kplɔlawo eye miwɔ ḡe nu siwo wogblo na mi la dzi elabena wole mia ta kpɔm abe ame siwo wòle be woana akɔnta Mawu tso wofe dɔwɔna ḡu ene. Miḡo to wo ale be wofe dɔwɔwɔ nanye dzidzɔ na wo eye mazu agba na wo o; elabena ne ele alea la, manye kpekpeḡeḡu aḡeke na miawo hã o. 18 Mido gbe ḡa ḡe mía ta yesiayi. Míeka ḡe edzi be dzitsinya nyui le mía si eye míedina be míanɔ agbe bubutɔe yesiayi le nu sia nu me. 19 Medi vevie be mafɔe ḡe mia nu tɔxe be miado gbe ḡa be woaḡe asi le ḡutinye na mi kpuie.

20 ḡutifafa fe Mawu la, ame si to nubabla mavɔ fe uu la me kplɔ míafe Afetɔ Yesu Kristo Alɛkplɔla gã la do goe tso ame kukuwo dome la, 21 natsɔ nu nyui sia nu nyui akpe ḡe mia ḡuti le efe lɔlɔnuwɔwɔ ta eye wòawɔ nu si dze eḡu la le mía me to Yesu Kristo dzi, ame si ko tɔ anye ḡutikɔkɔe tso mavɔ me yi mavɔ me. Amen.

22 Nɔvi lɔlɔawo, mele efom ɔe mia nu be mialé to ɔe nye dzidefonamenyawo
ɔu elabena agbalé kpui aɔe koe wɔnye menlo na mi.

23 Medi be mana mianya be woɔe asi le mía nɔvi Timoteo ɔu. Ne eva ɔo afi
sia kaba la, nye kpili míava kpɔ mi ɔa.

24 Mido gbe na miafe kplɔlawo katá kple Mawu fe ameawo katá. Nɔvi siwo
tso Italia há do gbe na mi.

25 Amenuveve nana anyi kple mi katá.